

**სახელმწიფო
შესყიდვის შესახებ ხელშეკრულება №112**

ქ. ბათუმი

11 მაისი, 2022 წელი

ერთი მხრივ საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტი (შემდგომში „შემსყიდველი“), წარმოდგენილი ადმინისტრაციის ხელმძღვანელის იაკინთე ჩხარტიშვილის მიერ და მეორე მხრივ შპს „უნივერსალი“ (შემდგომში „მიმწოდებელი“), წარმოდგენილი დირექტორის გოჩა ხარებავას მიერ, „სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადების №NAT220007191) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ, ასევე, ხელშეკრულების ერთი მხარის მიერ გაგზავნილი წერილობითი შეტყობინება, რომელიც ცვლის მხარეთა შორის ადრე შეთანხმებულ და წერილობითი სახით ხელმოწერილი დოკუმენტის პირობებს და რომელზეც წერილობითი თანხმობა აქვს გამოთქმული ხელშეკრულების მეორე მხარეს.

1.2. „ხელშეკრულების ღირებულება“ – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.

1.3. „შემსყიდველი“ – ორგანიზაცია, რომელიც ახორციელებს შესყიდვას.

1.4. „მიმწოდებელი“ – პირი, რომელიც ახორციელებს საქონლის მიწოდებას მოცემული ხელშეკრულების ფარგლებში.

1.5. „დღე“, „კვირა“, „თვე“ – კალენდარული დღე, კვირა, თვე. ვადების გამოთვლა მოხდება საქართველოს სამოქალაქო კოდექსის შესაბამისად.

1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების ობიექტი.

2. ხელშეკრულების (შესყიდვის) ობიექტი

2.1. ხელშეკრულების (შესყიდვის) ობიექტი - ბეჭდვა და მასთან დაკავშირებული მომსახურებები.

2.2. კლასიფიკატორის (CPV) კოდი_79800000.

2.3. შესყიდვის ობიექტის აღწერა, ოდენობა, ერთეულის ფასი, მოცემულია დანართი №1-ში (ფასების ცხრილები), რომელიც წარმოადგენს ამ ხელშეკრულების განუყოფელ ნაწილს.

3. ღირებულება და ანგარიშსწორების წესი

3.1. ხელშეკრულების საერთო ღირებულება შეადგენს 10'549.00 (ათიათას ხუთას ორმოცდაცხრა) ლარს დღგ-ს გარეშე.

3.2. საქონლის ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი, თუ საქართველოს კანონმდებლობით სხვა რამ არ არის დადგენილი.

3.3. ანგარიშსწორების ფორმა – უნაღდო.

3.4. ანგარიშსწორება „შემსყიდველის“ მიერ განხორციელდება ეტაპობრივად (ეტაპობრივი მიწოდების შემთხვევაში) შესაბამისი მიღება-ჩაბარების აქტის გაფორმებისა და საგადასახადო დოკუმენტის წარმოდგენის შემდეგ 10 (ათი) სამუშაო დღის ვადაში.

3.5. დაფინანსების წყარო: აჭარის ა.რ. განათლების, კულტურისა და სპორტის სამინისტრო („უმაღლესი განათლების ხელშეწყობის" ქვეპროგრამა - „უცხოენოვანი სამეცნიერო/სახელმძღვანელო ლიტერატურის თარგმნა/ზეჭდვა ხელშეწყობა“), შოთა რუსთაველის საქართველოს ეროვნული სამეცნიერო ფონდი (საგრანტო პროექტი - „კათოლიკობა და კათოლიკეები საქართველოში XIX-XXI საუკუნეებში (ისტორია, კულტურა, თანამედროვეობა) (FR17_416)) და საგრანტო პროექტი - „Knowledge Exchange and Academic Cultures in the Humanities: Europe and the Black Sea Region, late 18th – 21st Centuries - KEAC-BSR (ცოდნის და აკადემიური კულტურის მიმოცვლა ჰუმანიტარულ მეცნიერებებში: ევროპა და შავი ზღვის რეგიონი, XVIII ს. მეორე ნახევარი - XXI ს. -KEAC-BSR)“.

3.6. საავანსო ანგარიშსწორება არ გამოიყენება.

4. ხელშეკრულების ინსპექტირების (კონტროლის) პირობები

4.1. ხელშეკრულების შესრულების კონტროლს, წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმებას და ხელშეკრულების პირობების შესრულების ზედამხედველობას განახორციელებს ბსუ-ს მატერიალური რესურსების მართვის დეპარტამენტის უფროსი და შესაბამისი საგრანტო პროექტის ხელმძღვანელი/კოორდინატორ(ებ)ი (უცხოენოვანი სამეცნიერო/სახელმძღვანელო ლიტერატურის - „ახალგაზრდები, დრო და მოწყვნილობა საქართველოს რესპუბლიკაში“ პროექტის სამეცნიერო ხელმძღვანელი ნინო ინაიშვილი, საგრანტო პროექტის - „კათოლიკობა და კათოლიკეები საქართველოში XIX-XXI საუკუნეებში (ისტორია, კულტურა, თანამედროვეობა)“ კოორდინატორი, კახაბერ სურგულაძე, საგრანტო პროექტი - KEAC-BSR-ის კოორდინატორი, მარინე აროშიძე). შემსყიდველს უფლება აქვს ხელშეკრულების მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული უფლებამოსილება ინდივიდუალურ ადმინისტრაციულ-სამართლებრივი აქტით მიაწოდოს შემსყიდველის სხვა თანამშრომელს ან/და შესაბამისი ხელშეკრულების საფუძველზე ნებისმიერ სხვა პირს. შემსყიდველის ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის შესაბამისი ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით;

4.2. ხელშეკრულების შესრულების შემსყიდველის მხრიდან კონტროლის, მოწოდებული საქონლის წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმების და ხელშეკრულების ინსპექტირების განხორციელების უფლებამოსილების 4.1. პუნქტის შესაბამისად შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით გათვალისწინებულ პირზე მინიჭების შემდეგ ასეთი უფლებამოსილების მინიჭებამდე მოწოდებული საქონლის კონტროლისა და ხელშეკრულების ინსპექტირების განხორციელების შედეგები და გაფორმებული მიღება-ჩაბარების აქტები ინარჩუნებს იურიდიულ ძალას.

4.3. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე.

4.4. მიმწოდებელი ვალდებულია საკუთარი ფინანსური და მატერიალურ-ტექნიკური საშუალებებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

5. შესყიდვის ობიექტის მიწოდების ვადები, ადგილი და პირობები

5.1. შესყიდვის ობიექტის მიწოდება უნდა განხორციელდეს ხელშეკრულების დადების დღიდან (დასაბეჭდი მასალები მიმწოდებელს მიეწოდება ხელშეკრულების გაფორმებისთანავე) 2022 წლის 31 მაისის ჩათვლით.

5.2. შესაძლებელია ეტაპობრივი მიწოდება საგრანტო პროექტების შესაბამისად.

5.3. მიწოდების ადგილია ქ. ბათუმი ნინოშვილის ქ. №35.

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება - ჩაბარება განხორციელდება მიღება - ჩაბარების აქტით, რომელიც დადასტურდება „შემსყიდველის“ და „მიმწოდებლის“ მიერ საამისოდ უფლებამოსილი წარმომადგენლების მიერ.

6.2. შესყიდვის ობიექტის მიღება და საბოლოო შემოწმება ხდება საქონლის მიწოდების ადგილზე.

6.3. შესყიდვის ობიექტის (მისი ნაწილის, ეტაპის) მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7. შეტყობინების წესი

7.1. შეტყობინება ხელმოწერილი უნდა იყოს გამგზავნი მხარის მიერ ან მისი სახელით, გაეგზავნოს მხარეს, რომელიც არის მისი ადრესატი და მიეწოდოს ამ მხარეს მისამართზე, რომელიც მითითებულია 7.2 პუნქტში, ან უკანასკნელ მისამართზე, რომელიც მხარემ შეტყობინების მეშვეობით განსაზღვრა შეტყობინებებისთვის წინამდებარე ხელშეკრულების შესაბამისად. მხარისთვის გაგზავნილი ნებისმიერი შეტყობინება უნდა იყოს ქართულ ენაზე ან თან ახლავდეს ქართული თარგმანი.

7.2. შეტყობინების მისამართი და შეტყობინების დრო:

შეტყობინება უნდა გადაეცეს ხელიდან ხელში, გაიგზავნოს ფაქსით ან ფოსტის მეშვეობით, და წინამდებარე ხელშეკრულების და ყველა სხვა მიზნისთვის იგი ჩაითვლება მიწოდებულად (ჩაბარებულად):

(ა) ხელიდან ხელში გადაცემისას: როდესაც ის პირადად მიეწოდება მხარეს ქვემოთ მოცემულ მისამართზე (მათ შორის ელექტრონულ მისამართზე) ან უკანასკნელ მისამართზე, რომელიც მხარემ შეტყობინების მეშვეობით განსაზღვრა შეტყობინებებისთვის წინამდებარე ხელშეკრულების შესაბამისად.

„შემსყიდველი“ მის: ქ. ბათუმი, ნინოშვილის ქუჩა №35 E-Mail: shesvidvebi@bsu.edu.ge ტელ: (0422) 27 87 62	„მიმწოდებელი“ მის: ქ. თბილისი, ჭავჭავაძის გამზირი # 1 E-Mail: universal505@ymail.com ტელ: +995 599 33 52 02
--	--

(ბ) კურიერული ფოსტა: თუ გაიგზავნა ფოსტის მეშვეობით 7.2. პუნქტის „ა“ ქვეპუნ-ქტით განსაზღვრულ მისამართზე, რაც დასტურდება კურიერის მიწოდების დასტურის ჩანაწერებში.

– შეტყობინებები, რომლებიც მიღებულია უქმე დღეს ან სამუშაო დღის 17.00 საათის შემდეგ, ჩაითვლებიან მიღებულად შემდეგ სამუშაო დღეს.

8. მხარეთა პასუხისმგებლობა ხელშეკრულების პირობების დარღვევისას

8.1. თუ მიმწოდებელი არ ასრულებს საქონლის მიწოდებასთან დაკავშირებულ თავის ვალდებულებებს ხელშეკრულებაში მითითებულ ვადებში შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები.

8.2. შემსყიდველს უფლება აქვს მიმწოდებელს შეუწყვიტოს ხელშეკრულების შესრულება წერილობითი ფორმით შეტყობინების შემდეგ მიმწოდებლის მიერ მისი ვალ-დებულებების ან მისი ნაწილის შეუსრულებლობის შემთხვევაში თუ:

ა) მიმწოდებელმა არ მიაწოდა საქონელი ხელშეკრულებაში მითითებულ ვადებში.

ბ) თუ მიმწოდებელმა არ შეასრულა ხელშეკრულებით გათვალისწინებული სხვა თავისი ვალდებულებები.

8.3. ხელშეკრულებით ნაკისრი ვალდებულებების დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს დაეკისრება პირგასამტეხლო ხელშეკრულების ფასის 0.02 %-ის ოდენობით.

8.4. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში, მიმწოდებელს დაეკისრება პირგასამტეხლო ხელშეკრულების ფასის 5 (ხუთი) %-ის ოდენობით.

8.5. წინამდებარე ხელშეკრულების 8.3 პუნქტით გათვალისწინებული პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა ან შეწყვეტა

9.1. ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

9.4. ხელშეკრულების პირობების ნებისმიერი ცვლილება ითვლება ხელშეკრულების განუყოფელ ნაწილად.

9.5. მხარეს შეუძლია უარი თქვას ვალდებულების შესრულებაზე, თუ მეორე მხარე აშკარად არღვევს წინამდებარე ხელშეკრულებით განსაზღვრულ მოთხოვნას.

9.6. თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მიმწოდებელი არ შეასრულებს თავის ვალდებულებას ჯეროვნად და კეთილსინდისიერად, შემსყიდველი უფლებამოსილია ვადაზე ადრე მოითხოვოს წინამდებარე ხელშეკრულების შეწყვეტა.

9.7. წინამდებარე ხელშეკრულება შეიძლება შეწყდეს ვადაზე ადრე მხარეთა შეთანხმების საფუძველზე.

9.8. ხელშეკრულება შეიძლება შეწყდეს აგრეთვე საქართველოს სამოქალაქო კოდექსით გათვალისწინებული სხვა შემთხვევებში. ერთ-ერთი მხარის ინიციატივით წინამდებარე ხელშეკრულების ვადაზე ადრე შეწყვეტის თაობაზე მეორე მხარეს უნდა ეცნობოს დაუყოვნებლივ.

10. ფორს-მაჟორული სიტუაციები

10.1. მხარეები არ არიან პასუხისმგებელნი თავიანთ ვალდებულებათა სრულად ან ნაწილობრივ შესრულებაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ექსპორტისა და იმპორტის აკრძალვა, თუ ისინი უშუალო ზემოქმედებას ახდენენ ხელშეკრულების შესრულებაზე.

10.2. ხელშეკრულების შესრულების ვადა გადაიწევს შესაბამისი დროით, ფორს-მაჟორული გარემოებათა დასრულების შემდეგ.

10.3. მხარეს, რომელსაც შეექმნა ფორს-მაჟორული გარემოება, დაუყოვნებლივ უნდა აცნობოს წერილობით ამის შესახებ მეორე მხარეს. ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამა-დასტურებელი დოკუმენტი, რომ ამ მოვლენამ ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმაროს, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

12. გადასახადები და ბაჟები

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ საქართველოს კანონმდებლობით სხვა რამ არ არის გათვალისწინებული.

13. ხელშეკრულების მოქმედების ვადა

ხელშეკრულების მოქმედების ვადა განისაზღვროს ხელშეკრულების დადებიდან და მოქმედებს 2022 წლის 10 აგვისტოს ჩათვლით.

14. სხვა პირობები

14.1. არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

14.2. წინამდებარე ხელშეკრულებით გათვალისწინებული ის პუნქტები, რომელიც ხელშეკრულების რომელიმე მხარეს ანიჭებს რაიმე უფლებას, ასეთი უფლების გამოყენება არ წარმოშობს ხელშეკრულების მეორე მხარის რაიმე ვალდებულებას, თუ წინამდებარე ხელშეკრულება პირდაპირ არ აწესებს ასეთზე ხელშეკრულების მხარის ვალდებულებას, გარდა ხელშეკრულების მხარის ვალდებულებისა, რომ მან პატივსადები მიზეზების არსებობის გარდა ხელი არ შეუშალოს ხელშეკრულების მხარის მიერ წინამდებარე ხელშეკრულებით მინიჭებული უფლების გამოყენებას.

14.3. მხარეთა უფლებები და ვალდებულებები მოცემულია მთლიანად ხელშეკრულებაში და სადაოობისას ხელშეკრულების რომელიმე მხარეს უფლება არ აქვს მხარეთა უფლებების ან/და მოვალეობების განსაზღვრისას მიუთითოს მხოლოდ წინამდებარე ხელშეკრულების იმ პუნქტს, რომელიც ითვალისწინებს ხელშეკრულების მხარეთა ვალდებულებებს.

14.4. ხელშეკრულებასთან დაკავშირებული სხვა საკითხები, რომლებიც მოწესრიგებული არ არის წინამდებარე ხელშეკრულებით, წესრიგდება საქართველოს კანონმდებლობით, რაც ნიშნავს, რომ სადაოობისას არცერთ მხარეს უფლება არ აქვს მიუთითოს, რომ მისთვის ცნობილი არ იყო ხსენებული სამართლებრივი აქტების ან მისი ცალკეული ნორმისა თუ დებულების თაობაზე.

14.5. ხელშეკრულება შედგენილია ქართულ ენაზე, ერთ ეგზემპლარად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15. მხარეთა რეკვიზიტები

„შემსყიდველი“

საჯარო სამართლის იურიდიული პირი

- ბათუმის შოთა რუსთაველის

სახელმწიფო უნივერსიტეტი

ს.ნ. 245 428 158

ბ/კ: TRESGE22

მიმღები ბანკი - სახელმწიფო ხაზინა

მიმღების დასახელება - ხაზინის

ერთიანი ანგარიში

ადმინისტრაციის ხელმძღვანელი

იაკინთე ჩხარტიშვილი



„მიმწოდებელი“

შპს „უნივერსალი“

ს.ნ. 204 935 767

საბანკო რეკვიზიტები:

ს.ს. „თიბისი ბანკი“

ბ/კ: TBCBGE22

ანგ. №GE11TB0600000017467441

დირექტორი

გოჩა ხარეზავა

ფასების ცხრილები

ცხრილი №1

„უმაღლესი განათლების ხელშეწყობის“ ქვეპროგრამის, - „უცხოენოვანი სამეცნიერო/სახელმძღვანელო ლიტერატურის თარგმნა/ბეჭდვა ხელშეწყობა“ კომპონენტის ფარგლებში უცხოენოვანი სამეცნიერო/სახელმძღვანელო ლიტერატურის - „ახალგაზრდები, დრო და მოწყენილობა საქართველოს რესპუბლიკაში“ („Young men, time and boredom in the Republic of Georgia“) ბეჭდვა.

№	შესყიდვის ობიექტის დასახელება	შესყიდვის ობიექტის აღწერა	განზომილების ერთეული რაოდენობა		ერთეულის ფასი (ლარი)	საერთო ფასი (ლარი)
1	2	3	4	5	6	7
1	მარტინ დემანტ ფრედერიქსენ ის წიგნი "Young men, time and boredom in the Republic of Georgia"	➤ საგამომცემლო ფორმატი - 170სმ * 240სმ; ➤ გვერდების რაოდენობა - 220 გვ. + გარეკანი; ➤ შიგთავსის ქაღალდი - 70 გრ. ჰოლმენის ქაღალდი, ოფსეტი. ➤ შიგთავსი - შავ-თეთრი, 9 სხვადასხვა ზომის ფოტო ➤ გარეკანი - რბილი, 300 გრ. ცარცირებული; ➤ გარეკანის ბეჭდვა - 4/0 (ცალმხრივად ფერადი) + მატოვი ლამინაცია 1/0; ➤ აკინძვა - თერმული, შიგთავსის შეკერვით.	ცალი	166	9	1494
საერთო ჯამი დღგ-ს გარეშე						1494

დამატებითი მოთხოვნა:

- გამარჯვებული პრეტენდენტის მიერ შემოთავაზებული საქონელი უნდა იყოს ხარისხიანი, შემსყიდველისათვის მიწოდებამდე არ უნდა იყოს ექსპლუატაციაში შესული, არ უნდა გააჩნდეს დეფექტი და ნაკლოვანებები. წინააღმდეგ შემთხვევაში პრეტენდენტი საკუთარი ხარჯებით აწარმოებს ხარვეზის გამოსწორებას.

- მიმწოდებელი ვალდებულია ხელშეკრულების გაფორმების შემდეგ, შემსყიდველის მოთხოვნის შემთხვევაში წარუდგინოს შესყიდვის ობიექტის საცდელი ანაბეჭდი (დაბეჭდილი წიგნი), ტექნიკური დავალების შესაბამისად. მისამართი - ქ. ბათუმი, ნინოშვილის ქ. №35. მიმწოდებელს დასაბეჭდი მასალა გადაეცემა ხელშეკრულების გაფორმებისთანავე.

ცხრილი №2

შოთა რუსთაველის საქართველოს ეროვნული სამეცნიერო ფონდის საგრანტო პროექტი - „კათოლიკობა და კათოლიკეები საქართველოში XIX-XXI საუკუნეებში (ისტორია, კულტურა, თანამედროვეობა) (FR17_416),

№	შესყიდვის ობიექტის დასახელება	შესყიდვის ობიექტის აღწერა	განზომილების ერთეული რაოდენობა		ერთეული ს ფასი (ლარი)	საერთო ფასი (ლარი)
1	2	3	4	5	6	7
1	წიგნი „კათოლიკობა და კათოლიკე- ები საქართველოში XIX-XXI საუკუნეებში (ისტორია, კულტურა, თანამედროვეო ბა)“ UDC, ISBN	➤ ფორმატი – A5 (17,6 X 25 სმ); ➤ გვერდების რაოდენობა – 410; ➤ ბეჭდვა – ოფსეტური (ფერადი - 20 გვერდი) – 90 გრ. ქაღალდი, ცარცი; ➤ გარეკანი – 300 გრ. ცარცი, ფერადი, ლამინირებული (პრიალა); ➤ აკინძვა – თერმული.	ცალი	120	39,5	4740
		➤ ფორმატი – A5 (17,6 X 25 სმ); ➤ გვერდების რაოდენობა – 410; ➤ ბეჭდვა – ოფსეტური (ფერადი - 20 გვერდი) – 90 გრ. ქაღალდი, ცარცი; ➤ გარეკანი – მაგარი, ფერადი, ლამინირებული (პრიალა), მუყაო – 2,5 მმ; ➤ აკინძვა – თერმული.	ცალი	50	43,3	2165
საერთო ჯამი დღგ-ს გარეშე						6905

ცხრილი №3

საგრანტო პროექტი - „Knowledge Exchange and Academic Cultures in the Humanities: Europe and the Black Sea Region, late 18th – 21st Centuries - KEAC-BSR (ცოდნის და აკადემიური კულტურის მიმოცვლა ჰუმანიტარულ მეცნიერებებში: ევროპა და შავი ზღვის რეგიონი, XVIII ს. მეორე ნახევარი - XXI ს. -KEAC-BSR)“,

№	შესყიდვის ობიექტის დასახელება	შესყიდვის ობიექტის აღწერა	განზომილების ერთეული რაოდენობა		ერთეული ს ფასი (ლარი)	საერთო ფასი (ლარი)
1	2	3	4	5	6	7
1	კრებულის ბეჭდვა და მასათან დაკავშირებულ ი მომსახურებები	➤ ფორმატი - B5; ➤ გვერდების რაოდენობა - 280; ➤ ბეჭდვა - შავ-თეთრი; ➤ შიგთავსი - 70 გრ. ოფსეტური ქაღალდი; ➤ გარეკანი - 300 გრ. ცარცი, ფერადი ბეჭდვა, ლამინირებული (მატი); ➤ აკინძვა - თერმული. გამოცემის ინდექსი - ISBN	ცალი	100	21,5	2150
საერთო ჯამი დღგ-ს გარეშე						2150

შენიშვნა: მიმწოდებლის მომსახურების ნაწილს წარმოადგენს კრებულის დიზაინის (მათ შორის ყდა) შემუშავება, დაკაბადონება.